



Publicaziuns officialas dils 27-04-2018

Damondas da baghegiar

Nr. 25/2018

Datum da publicaziun: 27-04-2018
Patrun: Felber Vladan, 7172 Rabius
Liug e parcella: Cavivens; 5225
Object: nova suosta da rauba

Nr. 36/2018

Datum da publicaziun: 27-04-2018
Patrun: Decurtins Ines, 7175 Sumvitg
Liug e parcella: Cavischlè; 1549
Object: construcziun d'in balcon e d'in plaz da seser cuvretg

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 27-04-2018

Cumissiun da baghegiar

REFERENDUM FACULTATIV

La radunonza communal dils 24 d'avrel 2018 ha priu denter auter ils suandonts conclus:

- *Tractaziun ed approvaziun dil project da sanaziun dalla via dall'alp Glivers e concessiun dil credit brut da 505'000 francs*
- *Scassar la decisiun dalla radunonza communal dils 28-05-2015 pertuccont baghegiar ina tegia mo per ina partida a Val Tenigia e tractaziun ed approvaziun dil project per la sanaziun dalla tegia da Val Tenigia e concessiun dil credit brut da 290'000 francs*

Sura conclus ein sutposts al referendum facultativ tenor art. 30 al. 2 dalla constituziun communal. Il termin da tschaffar il referendum terminescha cun datum dils 17-05-2018. Il referendum sa buca vegnir retratgs.

Sumvitg, 27-04-2018

Suprastonza communal Sumvitg

Curdem da gronda dimensiun

La vischnaunca organischescha ina rimnada da rufid bloccont sco suonda:

Venderdis, ils 27 d'avrel 2018 dallas 08.00 - 18.00 uras

Ei vegn rimnau il rufid per l'entira vischnaunca sin la piazza Igriu (spel baghetg economic)

La rimnada ha liug mintgamai mo 1 di. Uonn dat ei 2 rimnadas!

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m³** rumians. Quantitads pli grondas, per ex. ord rumidas da casas e clavaus ein da transportar directamein e sin cuost dil caschunader ella deponia regiunala a Rueun. Rumians jamnills, q.v.d. rumians ch'ins dismetta el sac verd e rufid bloccont pign (dimensiuns max. 100 cm liung / 60 cm lad / 60 cm ault / peisa max. 30 kg) vegnan buca pri encunter. Tals rumians ein da plazzar als plazz da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds mo cun tratg giu ieli e benzin,
- ferramenta, ferradira da tuttas sorts (meisas da fier, uaffens da fier, velos, e.a.v.),
- tut las maschinas electronicas (computers, frestgeras, maschinas da furar, pegnas d'electriche cun e senza ieli e.a.v.),
- mobiliar movibel (letg, scaffa, suppia, madrazza, teppi denton buca culau giu, e.a.v.),
- requisits per il temps liber e sport (skis, indrez da trenament, velos e.a.v.) ch'ei pli gronds che 100 cm liung / 60 cm lad / 60 cm ault ni pli grevs che 30 kg,
- per pneus senza gavegl vegn incassau ina taxa da frs. 5.--, cun gavegl frs. 10.--,
- per pneus da maschinas agricolas pintgas vegn incassau ina taxa da frs. 20.-- e per pneus da tracturs frs. 50.--,
- calzars da skis san vegnir dai giu en favur dalla ARGO Tavau per frs. 5.--.

Buca acceptau vegnan

- tuttas maschinas agricolas,
- lenna da brisch, lenna veglia, lenna da baghetg (tabliaus, plantschius, lattas, quaders, panos, e.a.v.),
- sacs da pupi e da plastic,
- materials da pachetar (palets, stiropor, plastic, e.a.v.),
- requisits per il temps liber e sport ch'ei pli pigns che 100 cm liung / 60 cm lad / 60 cm ault e pli levvs che 30 kg (bob, scarsola, calzars da rodas, aissa-rulletta e.a.v.),
- blachas da ballas da silo (verdhas ed alvas),
- curdems da baghetg (linoleums, isolaziuns, plastics, folias da tetg e da preits, e.a.v.) e curdems da fatschentas,
- curdem verd da curtin e caglias, tals curdems san vegnir transportai sin la deponia verda ad Igriu,
- cartun e pupi duei vegnir surdau alla rimnada entras la scolas resp. las uniuns.

Ils suandonts rumians vegnan rimnai cun ils rumians jamnills e basegnan las marcas sco suonda:

- sacs tochen 50 kg; 1 marca da frs. 2.50,
- rumians pigns tochen 100 cm liung / 60 cm lad / 60 cm ault e pli levvs che 12 kg; 2 marcas da frs. 2.50,
- rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appelein alla responsabladad da vischinas e vischins e supplichein da setener vid quellas directivas en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels e puni.

Per ulteriuras informaziuns stat il gerau responsabel bugen a Vossa disposiziun.

Sanaziun dalla Via Reits – Punt Gonda

Igl onn vargau ha la vischnaunca entschiet cun la sanaziun dalla Via Reits – Punt Gonda. Ils 14 da matg 2018 vegnan las lavurs cuntinuadas cun la sanaziun dil tschancun naven da Reits entochen la Punt Gonda. Duront il temps da sanaziun ei la via sin il tschancun da Reits entochen la Punt Gonda serrada mintgamai naven da gliendisdis allas 07.00 entochen venderdis allas 18.00 uras.

Nus supplichein per enconuschientscha. Ulteriuras informaziuns survegnis Vus directamein dil biro Deplazes a Surrein (tel. 081 943 25 60).

Sumvitg, 27-04-2018

Departament traffic

Avis dall'administraziun communal

Sur Anceinza resta l'administraziun communal serrada naven da **mesjamna, ils 10 da matg 2018 allas 17.00 uras entochen gliendisdis ils 14 da matg 2018 allas 08.00 uras**. Bien engraziament per Vossa capientscha.

Sumvitg, 27-04-2018

Administraziun communal

Pleiv Sumvitg

Radunonza generala dalla pleiv **mesjamna, ils 9 da matg 2018** allas 20.00 en l'aula da scola a Sumvitg. Cordial invit Suprastonza pleiv Sumvitg

Societad da musica Surrein/Rabius

La Societad da musica Surrein/Rabius astga sepresentar per l'emprema gada sut la direziun da Claudio Carigiet e selegra da seveser cun vus ad in da nos concerts ils: **28-4-2018 allas 20.00** en casa da scola Rabius, silsunter stiva da caffè. **29-4-2018 allas 14.00** en casa da scola Rabius cun caffè e petta

Radunonza generala dall'Uniun Lag Salischinas

Ei legra la suprastonza dall'Uniun Lag Salischinas d'envidar las commembras ed ils commembers alla radunonza generala 2018. La radunonza ha liug venderdis, ils **27 d'avrel 2018** allas 20.00 ell'ustria «Greina» a Rabius. Suenter radunonza ha liug in refarat dil candidat per la regenza e president da Surselva Turissem, Marcus Caduff.

Tractandas

1. Avertura e beinvegni
2. Elecziun da dumbravuschs
3. Approbaziun dil protocol dalla radunonza da fundaziun dils 1-6-2017
(Protocol ei publicaus sin la pagina d'internet www.lagsalischinas.ch)
4. Informaziuns generalas ed informaziuns davart il stan dil project
5. Rapport digl onn
6. Quen annual
7. Rapport dils revisurs
8. Discarga dalla suprastonza
9. Elecziuns
 - a. president
 - b. suprastonza
 - c. revisurs
10. Contribuziuns da commembradi
11. Varia

Nus sperein sin stedia participaziun e salidein cordialmein. *La suprastonza dall'Uniun Lag Salischinas*

Uniun da catschadurs Greina, Sumvitg

Invit alla tgira da primavera

Nus serimnein sonda, ils **28 d'avrel 2018** sin plaz scola Sumvitg.

Temps da lavur: 07.30 – 13.00

Plazza da lavur: Pigniu, Clavadi e contuorn

Uaffens: Vons, resgia da cadeina, capellina e caultschas da resgiar da segirtad

Eventual sclariment dat nies cau da tgira Corsin Giger, tel. 078 736 97 90 ni sut

www.catschadurs-greina.ch.

Cun amicabels salids e sin seveser! Per la suprastonza, il cau da tgira, Corsin Giger

www.catschadurs-greina.ch

Uniun da dunnas Sumvitg/Cumpadials

S. Messa cun uncziun dils senior(a)s da Sumvitg/ Cumpadials

La s. Messa cun uncziun ha liug venderdis, ils **11 da matg 2018** allas 15.00 en casa s. Giusep a Cumpadials. Silsunter offerescha la casa s. Giusep in pign refrestg.

Bugen prendein encunter Voss'annunzia entochen ils 8 da matg 2018. Ursi, 081 943 32 58 ni

Rita, 081 943 32 20